

გიგოცაჟთ



შობა-ახალ

ნელს!



„არს მთის კალთას, სკანდას, სასახლე
მეფეთა და ციხე დიდი, დიდშენი“
მასშუბტი ბაბრატონი

ტერჯოლა

საზოგადოებრივი გაზეთი • გამოდის 1933 წლიდან • №1 {7006} 3 იანვარი 2020 წელი • www.Terjola.ge



...შემოქმედო ყოვლისა, შენ გაუთენე ჩემს ხალხს, ჩემს სამშობლოს ბედნიერი ახალი წელი. განკურნე ყოველგვარი სენისაგან, მიეცი ჯანი მრთელი, ღონე და ძალამოსილება შენი, ნიჭი შენი და უკვდავება შენი. დალოცე აკვანი, კალთა და ძუძუ საქართველოში, გაავსე სახლები მზითა და სითბოთი, ბედელი პურით, მარანი ღვინით, ახორი საქონლით, კერია ნაკვერჩხლით, გული სათნობით.



ააყრიამულე ეზო-კარი შვილიშვილებით, შვილთაშვილებით და მათი შვილებით. დაუშრეტელ მდინარედ იდინე ბედნიერება ჩემს ქვეყანაში! არ მოუშალო გონიერი ერისკაცი და მწყემსი საქართველოს. ნატვრისთვალე დაუდე ამ ახალ წელს სასთუმალთან ყველას, რათა დილით ადგნენ, ნახონ და მამულის უკვდავება ინატრონ...

ვაჟა-ფშაველას საახალწლო დარიგება

„რაც უნდა უფერულ და უიმედო ყოფაში იყოს ადამიანი, ახალ წელს მაინც იმედით ეგებება, როგორც კარგის რაისამე მომტანს, კარგის მომასწავებელს... ამ ახალი წლის დამდეგს, ეს ფიქრი მოდის ძალაუფლებურად, რომ ყველამ მოინანიოს წარსულის წლის შეცოდებანი და ახალ წელს მივეგებნეთ ახალის ძალით, მხნეობით, გულწრფელად ჩავიჭიდოთ ღრმად გულში ეს მცნება: რაც ვცხოვრობთ და რომელი ქვეყნის შვილებიც ვართ, რომელი ქვეყნის პურით, ღვინით, წყლით და ჰაერით ვსაზრდობთ, იმას ვარგოთ რამ, ვაკეთოდ იმის სასარგებლოდ, ჩვენი ძალ-ღონის დაგვარად, რაც კი შეგვიძლიან, რომელი ასპარეზიც უნდა იყოს—ეკონომიკური, ზნეობრივი, პედაგოგიური, ლიტერატურული და სხვა. თუ ჩვენთვის და ჩვენის ქვეყნისათვის ვიქნებით კარგნი, ჩვენს საკუთარს შინაურს საქმეს წავიყვანთ კარგად, მაშინ კაცობრიობისათვისაც სასარგებლო იქნება“.



გავითავისოთ დიდი ვაჟას შეგონება. ახალი წლიდან ახალი შემართებით ვაკეთოთ ჩვენ-ჩვენი წილხვედრი საქმე. ღმერთი მოგვხედავს და სირთულეებს დაგვაძლევინებს.

მტრობასა და ორგულობას არსად, არასდროს, არავისთვის სიკეთე არ მოუტანია, დაგუდგეთ საქართველოს, მხარი-მხარს მივცეთ, ძმებო.

„ვეჭვჭმუნვასა ესე სჯობდეს!“



მრავალშამიერი!!!

გვილოცავენ, ვულოცავთ! გვილოცავენ, ვულოცავთ! გვილოცავენ, ვულოცავთ!

ყველა თერჯოლელსა და სრულიად საქართველოს ვულოცავ ახალ წელს!



ვისურვებთ ჯანმრთელობას, კეთილდღეობას, წინსვლასა და წარმატებას. მინდა, მომავალი 2020 წელი იყოს დასახული მიზნების შესრულებისა და სასიკეთო ცვლილებების წელი. მიუხედავად მრავალი სირთულისა, მჯერა, რომ ჩვენს წინაშე არსებულ ახალ გამოწვევებს წარმატებით გავართმევთ თავს. ერთად დგომითა და დაუღალავი შრომით, ყველაფერს შევძლებთ და მიღწეული შედეგებითაც ერთად ვიამაყებთ.

კიდევ ერთხელ გილოცავთ ახალ წელს! ბედნიერება, სიკეთე, სიხარული და სიძლიერე არ მოკლებოდეს თქვენს ოჯახებს.

ელგუჯა გომციანიძე,
თერჯოლა-ტყვიანის მაჟორიტარი დეპუტატი საქართველოს პარლამენტში

ერთად, ერთმანეთით შევძლებთ იმას, რაც აქამდე არ გამოგვივიდა და მომავალი წელი აუცილებლად იქნება ახალი მიღწევების და გამარჯვებების წელი!

იმერეთის გუბერნატორმა ზვიად შალამბერიძემ ახალი, 2020 წელი 31 დეკემბერს, სათაფლის ნაკრძალიდან მიულოცა იმერეთის მოსახლეობას, სრულიად საქართველოს. მან თავის ვიდეომიმართვაში, განსაკუთრებით ხაზგასმით აღნიშნა, რომ „ათასწლეულების წინ, სწორედ ჩვენს მხარეზე გადიოდა „აბრეშუქის გზა“, რომელიც აღმოსავლეთისა და დასავლეთის ქვეყნებს ერთმანეთთან აკავშირებდა. მისი გეოგრაფიული მდებარეობიდან გამომდინარე მას ყოველთვის დიდი სტრატეგიული, პოლიტიკური და ეკონომიკური მნიშვნელობა ჰქონდა. აქ ყოველთვის იყო სიახლის, პროგრესის, განვითარების საწყისი ათასწლეულების მანძილზე, აარსებდნენ განათლების მძლავრ კერებს, აქ იქმნებოდა სახელმწიფოებრივი აზროვნება და ერთიანი საქართველოს დიადი იდეა. იმერელ კაცთან ბუნებაც ასეთ ჰარმონიაშია. ალბათ, სწორედ ამიტომ იქნებოდა აქ ხელოვნების განუმეორებელი ნიმუშები. 2020 წლიდან კიდევ ერთ უნიკალურ პროექტს მიეცემა ახალი სიცოცხლე. წყალტუბოს სრულფასოვანი რეაბილიტაცია-განვითარება ქუთაისის საუნივერსიტეტო ქალაქის მშენებლობასთან ერთად, იმერეთის მხარეს ჯანმრთელობის, ტურიზმის, კულტურის, განათლების და რაც მთავარია, ჩვენი ახალგაზრდებისთვის ყველაზე სასურველ, მძლავრ, საერთაშორისო ცენტრად აქცევს. 2020 წელს იმერეთის რეგიონი ბევრი მიმართულებით შეიძენს ახალ სიცოცხლეს, კიდევ უფრო მიმზიდველი გახდება ყველასთვის. ერთად, ერთმანეთით შევძლებთ იმას, რაც აქამდე არ გამოგვივიდა და 2020 წელი აუცილებლად იქნება ახალი მიღწევების და გამარჯვებების!”



ახალ წელს გილოცავთ ჩემო მეგობრებო!

ვულოცავ ყველა თერჯოლელს, იმერეთის ყველა მაცხოვრებელს, სრულიად საქართველოს. ვულოცავ ყველა პატარას, რომლებსაც ამ დღესასწაულის განსაკუთრებული მოლოდინი აქვთ.

ვულოცავთ ყველა მოსწავლესა და სტუდენტს, რომელთა მაღალკვალიფიცირობაზე დამოკიდებული ჩვენი ქვეყნის მომავალი. განსაკუთრებით ვულოცავ პენსიონრებს, ვეტერანებს, ჩვენს ჯარისკაცებს, რომლებიც მშვიდობის სადარაჯოზე დგანან.

ახალ წელს ვულოცავ ქართველ ემიგრანტებს და ვუსურვებ მათ, რომ მომავალ ახალ წელს საკუთარ ოჯახებში შეხვდნენ.

იმედს გამოვთქვამ, რომ 2020 წელი იქნება გასულ წელზე უკეთესი. ეს იქნება იმედების გამართლების, ერთმანეთის გვერდში დგომისა და კეთილდღეობის წელი.

გასულ წელს ჩვენ განვახორციელეთ მნიშვნელოვანი ინფრასტრუქტურული პროექტები, სოციალური პროგრამები და კულტურული ღონისძიებები.

ინფრასტრუქტურული პროექტების განსახორციელებლად დაიხარჯა 6 800 000 ლარი. სულ განხორციელდა 168 პროექტი. მათ შორის 9 მსხვილი პროექტი, პროექტებიდან მოსახლეობის მიერ შერჩეული პრიორიტეტების მიხედვით 118 დაფინანსდა სოფლის მხარდაჭერის პროგრამით, საგზაო ინფრასტრუქტურაზე დაიხარჯა 2 500 000 ლარი და საერთო ჯამში დაიგო 11 კმ. გზა, ასევე მოეწყო 6 ხიდი, აიგო სასწრაფო-სამედიცინო დახმარების შენობა, რეაბილიტირდა 5 ამბულატორია, აშენდა თანამედროვე სტანდარტების შესაბამისი საბავშვო ბაღი, სხვადასხვა სახის სარემონტო სამუშაოები ჩატარდა 18 საჯარო სკოლას.

2020 წლისათვის დაგეგმილია მოსახლეობის პრიორიტეტებზე გათვლილი კიდევ უფრო მეტი პროექტი. უკვე დამტკიცებულია ადგილობრივი ბიუჯეტი და იგი 12 მლნ 413 ათას ლარს შეადგენს. აღსანიშნავია, რომ რეგიონული განვითარების ფონდიდან გამოყოფილია 4 მლნ. ლარი და დიდია მოლოდინი, რომ ეს თანხა მნიშვნელოვნად გაიზარდება. აღსანიშნავია, რომ 2020 წელს აშენდება 2 საჯარო სკოლა, რეაბილიტაცია ჩატარდება ქალაქ თერჯოლის ცენტრს, განხორციელდება ათეულობით ინფრასტრუქტურული პროექტი მოსახლეობის მოთხოვნების გათვალისწინებით.

კიდევ ერთხელ გილოცავთ შობა-ახალ წელს. ვისურვოთ, რომ 2020 წელს მშვიდობა, სიკეთე, სიხარული, ხვაი, დოვლათი და ბარაქა მოეტანოს თერჯოლისა და სრულიად საქართველოსათვის.

გონდო სოფრომაძე,
თერჯოლის მუნიციპალიტეტის მერი

გილოცავთ შობა-ახალი წლის შემობრძანებას!

ძვირფასო თერჯოლელებო, ახალი, 2020 წელი არის ახალი შანსი და შესაძლებლობა ჩვენი მუნიციპალიტეტისთვის!

წინასაახალწლო დღეებს სიკეთის კეთების მომეტებული სურვილი და მეტისმეტად დადებითი ემოცია ახლავს. ვისურვებდი, ეს განცდა მთელი წლის განმავლობაში გაგვეყოლოდეს!

ახლა ერთად ვაცილებთ 2019 წელს, რომელსაც ახლდა წარმატებებიც და გამოწვევებიც. ვცდილობდით, ჩვენი მუნიციპალიტეტის თითოეულ მოქალაქეს ეგრძნო თვითმმართველობის მხარდაჭერა, გადაწყვეტილებები მაქსიმალური კომპეტენციით, სამართლიანობის, ადამიანური ღირებულებების გათვალისწინებით, პოლიტიკური სტაბილურობისა და სიახლის დანერგვის სურვილით მიგველო.

მინდა განსაკუთრებით მივულოცო დამდეგი ახალი წელი ჩვენს მუნიციპალიტეტში მოღვაწე პედაგოგებს, ექიმებს, მეხანძრე-მაშველებს, მეზოვეებს, ჩვენს პოლიციელებს, რომლებიც ერთგულად ემსახურებიან მუნიციპალიტეტს და ჩვენს ქვეყანას.

შობის მადლი და უფლის წყალობა არ მოგკლებოდეთ! გვიხაროდეს ერთმანეთის წარმატებები!

ნინო ჯანელიძე,
თერჯოლის მუნიციპალიტეტის საკრებულოს თავმჯდომარე



თერჯოლა ახალი წლის დამეს...

2019 წელიც გავისტუმრეთ, გზასავალი დავულოცეთ და მადლობაც გადავუხადეთ გარჯილობისთვის. მძიმე ტვირთისთვის, რომელიც ზიდა, როგორაც შეეძლო ისე...

ფერ-უმარულითა და ჩიხტი-კოპით ლამაზად მორთულმა თერჯოლამ უამრავ ადამიანს მოუყარა თავი ახალი წლის საზეიმო შეხვედრაზე, რომელიც ქალაქის ცენტრში ტრადიციულად, მერიის შენობის წინ გაიმართა...

უზომოდ ლამაზი იყო ღამის თერჯოლა. მერე რა, რომ თოვლმა კვლავ თავპატიჟი გამოიღო და აგერ მეორე წელია გვებუტება. იყოს ნება მისი. სულაც არ შეგვშლია ხელი გაგვეხარა ერთმანეთის ნახვით, გვე-

ცეკვა და გვემღერა. თვალს ახარებდა უფროსი თაობის ადამიანებთან ერთად ახალგაზრდებისა და პატარების მრავლობა.

მთავარი ნაძვის ხე სილამაზით გამორჩეული იყო თავის წინამორბედებიდან. ასევე საგულდაგულოდ მოერთოთ ყოველი სკვერი თუ გაზონი, კუთხე და კუნჭული...

მადლობა ყველას, ვინც გაისარჯა და თუნდაც მცირედით შეიტანა წვლილი შთამბეჭდავი გარემოს შექმნაში...

მადლობა ყველას, ვინც ლამაზი საახალწლო კონცერტითა და ფოიერვერკით დაასრულა წინასაახალწლო საღამო...



2020 წელი, ივნისი და ახალი სკოლა

სიქთარვაში განათლების საქმეს ყურადღება მე-19 საუკუნის 70-იან წლებში მიექცა. მღვდლებმა ანტონ და ლავრენტი ფერაქიებმა, ხალხის თხოვნით და ზემდგომი ორგანოების თანხმობით, ნემსინვერიძეების ეზოში ორწლიანი სკოლა გააშენეს. აქ ასწავლიდნენ წერა-კითხვას, ანგარიშს, ღვთისმეტყველებას. მე-20 საუკუნის დამდეგს სოფელში ჩნდება საკუთარი ინტელიგენცია. მათ ყურადღება გაამახვილეს ახალგაზრდობის აღზრდის საკითხებზე. აიგო ოთხთახიანი მინის იატაკიანი ფიცრული. მოგვიანებით, ნემსინვერიძეების ეზოდან, სკოლა ეკლესიის ეზოში გადმოიტანეს. სკოლის გამგედ და პირველ მასწავლებლად მიხა ქორიაშვილი დაინიშნა.

მას შემდეგ დიდი დრო გავიდა. ათეულობით თაობა გაიზარდა სკოლაში, ათასობით ახალგაზრდა ეზიარა პირველდანწყებით და საშუალო განათლებას, სკოლაში ასწავლიდნენ საქმის მცოდნე, სკოლაზე, ბავშვებზე შეყვარებული მასწავლებლები. მრავალი ცნობილი ადამიანი აღიზარდა სიქთარვის საშუალო სკოლაში...

შვიდწლიანი სკოლის ხის შენობა ვეღარ აკმაყოფილებდა მოთხოვნებს, მოგვიანებით საშუალო სკოლა გაიხსნა და ახალი კაპიტალური შენობა აიგო, ამასობაში 21 საუკუნე დადგა, დღის წესრიგში კი დადგა ახალი სკოლის მშენებლობის საკითხი—საკითხის დადებითად გადაწყვეტას დიდი ძალისხმევა დასჭირდა, (მათზე, ვინც განსაკუთრებული წვლილი შეიტანა სკოლის მშენებლობის დაწყების საქმეში, ცალკე გვექვება საუბარი) 2019 წლის ივნისში



სიქთარვის მშენებარე სკოლა

მშენებლობა დაიწყო... საჯარო სკოლა სოფლის ტერიტორიული ერთეულის წარმომადგენლობის ადმინისტრაციულ შენობაში განთავსდა. „სტუმრებიც“ და „მასპინძლებიც“ ვინროდ არიან, მაგრამ ღირს!..

შემსყიდველი: სსიპ საგანმანათლებლო და სამეცნიერო ინფრასტრუქტურის განვითარების სააგენტო. მშენებელი ორგანიზაცია შპს „ალიანსი“. სკოლის საპროექტო ღირებულება 2,5 მილიონი ლარია, მოსალოდნელია ცვლილებებიც, ფასთა სხვაობის მიხედვით. სამუშაოთა მწარმოებელი რეზო შეროზია, უსაფრთხოების სამსახურის ხელმძღვანელი იური კობახიძე, მემონტაჟე ბრიგადირი კახაბერ სვიანაძე—მუდმივ რეჟიმში არიან, გულდასმით აკონტროლებენ სამუშაოების მიმდინარეობას, კომპანიის მიერ დადგენილი განრიგის ფარგლებში.

სამუშაოები წინ მიიწევენ, ბრიგადები ერთმანეთს ჩაენაცვლებიან, იმის მიხედვით, რა სამუშაოები იქნება შესასრულებელი, სპეციალისტებიც ამ წესით იქნებიან ჩართულნი სამუშაოებში.



ასეთი იქნება სკოლა 2020 წლის ივნისში

სკოლის მშენებლობაზე კი ამჟამად მუშაობენ: ელგუჯა მალაქელიძე, იური სუთიძე, ანზორ წინილაშვილი, გურამ გურგენიძე, გიორგი ფოფხაძე, კობა კვატაია, ლაშა ფოფხაძე, ვაჟა ფანჯულიძე—ეს ხალხი, მშენებლობის დამთავრებამდე კიდევ სხვები, სკოლის მშენებლობის და სოფლის ისტორიაში დარჩებიან და თაობა იტყვის—რომ მათი მონაწილეობით და დიდი შრომით თანამედროვე სტანდარტების მიხედვით ახალი სკოლა აშენდაო...

ბატონების: რეზო შეროზიას და იური კობახიძის თქმით მუნიციპალიტეტის ხელმძღვანელი მუშაკები მშენებლობაზე ხშირად დადიან, მისი მიმდინარეობის საქმის კურსში არიან.

სკოლის მშენებლობა კი 2020 წლის ივნისში უნდა დამთავრდეს... დამთავრდება კიდევც...

„ჩანაცვლებული“ კადრი ღირსეული იქნება

ნახევარი საუკუნე ემსახურა საყვარელ საქმეს. ორმოცდაათმა თაობამ, ასეულობით ბავშვმა გამოიარა მის ხელში და ამ თაობათა ფიზიკური აღზრდის საქმეს აკეთებდა გულის კარნახით და სიყვარულით. „ჯანსაღ სხეულში ჯანსაღი სულის“ არსების სჯეროდა და სწორედ ამიტომ იყო მისი გაკვეთილები საინტერესო და მიმზიდველი.

ჰამლეტ მემანიშვილი, როგორც ფიზიკულტურის მასწავლებელი და ფიზიკური აღზრდის „ინსტრუქტორი“ სასკოლო დღეს მოსწავლეთა ფიზიკური ვარჯიშით იწყებდა, მხიარული და კარგი სანახაობით—დილის გამამხნევებელი ვარჯიშისათვის ბავშვებს რიგებდად აწყობდა, მუსიკაც ირთვებოდა და პირველი ვარჯიშის შესრულებისას ისმოდა მიმართვა—ხელები მაღლა და ვანზე, ბოლო ვარჯიში ადვილზე „სიარულია“ და კლასებისაკენ ნაბიჯით იარ...

მოსწავლეები კლასებში შედიან. „ძილბურანი“ დამთავრებულია, მოსწავლეებს მხნე განწყობა აქვთ...

უყვარდათ თავასეულ მოსწავლეებს ჰამლეტ მასწავლებელი, მისი გაკვეთილები და მასთან ერთად დასვენება, რაიონის სკოლის მოსწავლეებთან ერთად, თავასის საზაფხულო ბანაკში. თავასის სკოლაში დღემდე არსებობს მოსწავლეთა, როგორც ინდივიდუალურ, ისე გუნდურ შეჯიბრებებში გამარჯვების დამადასტურებელი სიგელები და თასები, მის მოსწავლეებს არაერთხელ მიუღიათ მონაწილეობა რესპუბლიკურ შეჯიბრებებში.

ეს ადრე იყო...

ფიზიკულტურის გაკვეთილების სპორტის გაკვეთილებით შეცვლას დიდი ენთუზიაზმით არ შეხვედრია. ქუთაისის პედაგოგიური ინსტიტუტის ფიზიკულტურის ფაკულტეტის კურსდამთავრებულს შეეძლო, როგორც ფიზიკულტურის, ისე სპორტის გაკვეთილების ჩატარება, თუმცა იგი რეფორმის ფარგლებში ფიზიკულტურის გაკვეთილებს ატარებდა. კოლეგებთან საუბრისას ხშირად გამოუთქვამს აზრი ფიზიკური აღზრდის გაკვეთილების მე-10-მე-12 კლასებში სპორტის გაკვეთილებით შეცვლასთან დაკავშირებით. მას ანუხებდა კითხვა—რატომ ეწოდა ფიზიკულტურის გაკვეთილებს „არაფრისმომცემი“ გაკვეთილები, რა პრობები ჰქონდა სკოლებს სპორტის გაკვეთილების ჩატარებლად, რა შედეგს გამოიღებდა სპორტის სახეობების არჩევითობა და სხვა...

როგორც არ უნდა წარმართულიყო სკოლებში რეფორმა ფიზიკური აღზრდის გაკვეთილების თუ სპორტის გაკვეთილების ჩატარების საკითხი, იგი შეძლებდა მხარი აეხა რეფორმისთვის, კვლავაც ყოფილიყო მასწავლებელი, რომელიც უყვართ... ასეთი გავიდა პენსიაზე, ასეთი გავცილეს და ჩანაცვლდა იგი ახალი კადრით... ახლა კი ვნახობ ვინ არის ვანო მარუაშვილი, ვინ ჩაენაცვლა ჰამლეტ მემანიშვილს...

ვანოს პედაგოგიურ გამოცდილებაზე ბევრს ვერაფერს ვიტყვით, სულ რაღაც 8 თვეს უმუშავნია ალისუბნის საჯარო სკოლაში ფიზიკულტურის მასწავლებლად, ისიც წლების წინ. ...დამთავრებული აქვს თბი-

ფელში დაბრუნებულმა, საქმე წამოიწყო, მცირე ბიზნესით დაკავდა, მეცხოველეობის მცირე ფერმა აქვს, მის თანდათან გაფართოებას ფიქრობს. ვანოს ჰყავს დედა, მეუღლე და ერთი შვილი, უმაღლესი განათლებით.



ლისის ფიზიკური აღზრდის და სპორტის ინსტიტუტი მასწავლებელ-ორგანიზატორის სპეციალობით, ეს არის კადრი, რომელიც აუცილებელია განათლების სამინისტროს მიერ ბოლო პერიოდის რეფორმების წარმატებით განსახორციელებლად, უმაღლეს სასწავლებელში მიღებულ ცოდნასთან ერთად მას აქვს არა პედაგოგიური, მაგრამ სხვა მუშაობის ის გამოცდილება, რომელიც განსაკუთრებით მნიშვნელოვანია მოსწავლე-ახალგაზრდობის ეროვნული სულისკვეთებით აღზრდისათვის. ვანო მარუაშვილი 1992 წლიდან მუშაობდა საქართველოს თავდაცვის სამინისტროს 21-ე ბრიგადის პირველი ბატალიონის ფიზიკური სამსახურის უფროსად, 1999 წელს დააინაწურეს—დაინიშნა თავდაცვის სამინისტროს 21-ე ბრიგადის ფიზიკური სამსახურის უფროსად, მოგვიანებით კი თავდაცვის სამინისტროს პოლიგონების და სასწავლო ცენტრების სამმართველოს პოლიგონის სიმონეთის უფროსად, 2018 წლის იანვარში პენსიაზე გავიდა და არის ორმოცდათორმეტი წლის.

ვანო აფხაზეთის ომის მონაწილეა, ვეტერანი, საინტერესო პიროვნებაა, ცოტას საუბრობს საკუთარ თავზე, მაგრამ მისი მდიდარი და იშვიათი გამოცდილების ამბებით, მოსწავლეები დაინტერესდებიან და „სიტყვა ძუნწობა“ მათთან, ისე, როგორც ჩემთან აღარ გაუვა. სიმონეთში მუშაობისას, სო-

მოგვიანებით მისთვის ცნობილი გახდა, თავასის სკოლაში ფიზიკულტურის მასწავლებლის ვაკანსიის შესახებ და განაცხადი გააკეთა, გაიარა გასაუბრება და 2019 წლის სექტემბრიდან მუშაობა დაიწყო.

ვანო საფუძვლიანად გაეცნო რეფორმას, რომელიც სკოლებში კარგახანია დაინერგა. ძნელი პასუხი კითხვაზე—როგორ ფიქრობს მარტო რაიონის კი არა, ქვეყნის მასშტაბითაც იმ ნაკლოვანებების პრობლებში, როცა არ არის ფიზიკულტურისა და სპორტის გაკვეთილების ჩატარებლად საჭირო ინვენტარი, დარბაზები, კეთილმოწყობილი სპორტული მოედნები, როცა ფიზიკულტურა და სპორტი მოიცავს ფიზიკურ ვარჯიშს, მოძრაე თამაშებს, ფარიკაობას, რომ საჭიროა: სხვადასხვა იარაღები და ინვენტარი—შაში, ჭადრაკი, ბურთები, სალტენები, ლენტი, სახტუნაო, შაშხანები, რგოლები, შტანგები, ტაიჭი, ორქელი, პნევმატური შაშხანები, სასტენდო თოფები, პისტოლეტები... ყველაფერი თუ არა „რამე“ ხომ აუცილებელია.

სპორტის გაკვეთილების შემოღობა ასეთ პრობებში ნაჩქარევი იყო—ნიშნები არ იწერება და მოტივაციაც აღარ არის—ამბობს.

ვანო მარუაშვილი ფიქრობს, ეძებს, აქვს კავშირები, ენთუზიაზმი, განათლებაც აქვს, კარგი წარსულიც, ვნახობ!

გვერდი მოამზადა შუშუნა ცხადაძემ



ვირთხის ჩვილი

სად ვირი, სად თავი, ვინ დამარქვა ვირ-თავა?
მაგნიტოფონზე მაქვს ჩანერი-ლი ჩემს სალანძღავად ვინ რა თქვა.

ჭორი და ტყუილ-მართალი ვინ მომიგონა? ვინ დაფქვა?
რატომ დამიდგეს ხაფანგი, ან ვინ მესროლა ფილთა-ქვა?


ჩემთვის ვპოულობ ხულაში სიმინდის ტაროს სახრავს,
სულაც არ მაინტერესებს ვინ სად თესავს და სად ხნავს.

ავადმოსურნე გარემოცვაში არ არის მარტოდ ყოფა ადვილი,
მაგრამ ცაგადმოხურულში მეც ხომ მეკუთვინის ადვილი?

უბედურება არ ვიცი ვინ მომისაჯა, ვინ დამანათლა.
ჩემი არსობა ამქვეყნად რატომ არავენ არ გაამართლა?

ეგეც არ იყოს—
გამგებმა კარგად გამიგოს:

კოდ-კიდობანი დახრულ-დაჭმული და ბევრი საქმე ამდაგვარი
ხშირად მე მბრალდება სხვათა ნამაიმუნარ-ნათავარი,



თითქოს მარტო მე ვიყო ავის ჩამდენი და მზაკვარი.
ახალ წელს, მირჩიე რამე, როგორ გავიკვლიო გზა-კვალი?

2020 რომ ვირთხის წელია ეს ჩინურ ეფუთშიც წერია.

მოვიაზრებით:

ჭკვიანებათ

და ეჭვიანებათ.

სიყვარულში გვიმართლებს

და პატივს ვცემთ სინათლეს.

გვაქვს ერთადერთი საზრუნავი


როგორ მოვიპოვოთ სასუსნავი!

სხვა რა ვითხრათ:

ვირთხად ვაგწნდით და ვრჩებით ვირთხად!

ქართველის ნატვრა

მინდა მამულის იმედად ჩამესმას ყოველ დროს—
მამულს სიტყვა მაღლიანი მოედოს,
მზემანათობელმა: სინათლეს გზა გაუხსნას,
სიყვარული აუხსნას,
დედა დააფიცოს და უფალს შეავედროს,
როგორც დიდი ილია ავედრებდა ერთ დროს.



დიალოგი

—ყმანვილო, გაფიცებ იმ შენი ბაბუის სულს, ვინ ჩაგინყო და რა დაგიჯდა ეგ წყვილი ნომერი?

—ეს-ეს არის შემოვდგი ფეხი. ჯერ არავის ვიცნობ და არავინ მიცნობს. ვინ ჩამინყობდა? კონკურსში მივედი, ვნახე და გავიმარჯვე. ეგ „ჩანყობა“ და მინყობა-მონყობა ჩემო ბაბუა, ჩაიდევინ ახლა შენს ხურჯინში და წაიმძღვანე იქითკენ, საითაც მიდიხარ...

გთავაზობთ

„ნისლი ფიქრია მთებისა“—ეს საოცარი ფრაზა დიდ ვაჟა-ფშაველას ეკუთვნის. ამასთან დაკავშირებით მკითხველს (პედაგოგებს, მოსწავლეებს, ნებისმიერ ადამიანს) ვთხოვთ პირველ თებერვლამდე გამოგვიგზავნოთ თქვენური კომენტარები, მოსაზრებები, განმარტებანი და ა.შ.

პასუხები უნდა იყოს მოკლე, კონკრეტული, მახვილგონივრული (კვიმატი), შეიძლება იყოს სევდიანიც, იყოს იუმორიც, პატრიოტული გრძნობაც, დამოკიდებულება ბუნების მიმართ („ბუნება მბრძანებელია“) და ა.შ.

თუ დამატებითი კითხვები გაგიჩნდებათ, შეგიძლიათ დარეკოთ (555 78 08 55).

საინტერესო პასუხებს და ავტორებს გამოვაქვეყნებთ მაღლიერების გრძნობით.

გულითადად გილოცავთ ახალ წელს და წინასწარ გიხდით მაღლობას თანამშრომლობისათვის.

მინაწერი:

იქნებ ამ მარტივ კითხვასაც უპასუხოთ: **უხურჯინო თოვლის ბაბუა იბივირა რაც...** (პასუხი ორი სიტყვისაგან შედგება...)



მინიატურები

ახალი წლის დილა თონესთან

მილოც-მოლოცვა.. ჩვეულებრივი ხმამალალი როგორც გვჩვენია!..

ცხელი ლავაშის სურნელი და სურვილი ორნახადი „ჭაჭის“...
ლამენათევარი მეპურე კმაყოფილი თავის ნახელავით, როგორც ფლორენციელი ფუნჯის ოსტატი ფერწერული ტილოს დასრულებს...

—ე, რამდენი ლავაში დაგიცხვია, ძმობილო!? ვეკითხები ამ საქმის დიდოსტატს.

—აბა, როგორ, მაგის გარეშე საახალწლო სუფრა ხომ არ იქნება!
ცხელ-ცხელ ლავაშებს გადმოგიღაგებთ და ლოცვასაც გამოგადევნებთ: გემრიელად შეგარგოთ!

ეს სასიამოვნო სურათი ყოველ დილით ასე არი.

მეპურე იუზა სიმონიძე კაცია ასიანი!



მეზოვე

ამ დილაუთენია ცოცხით ხელში? ვეხმინები მეზოვეს.

—ჩემს ქალაქს გაღვიძება უნდა დავასწრო, სუფთა და წკრიალა უნდა დავახვედრო ახალ წელს.

ტაქსისტი

ტაქსის სადგომზე: პირველ კლიენტს ველოდები. ფულს არ გამოვართმევ. ეს გახარება მთელ კვირას მეყოფა...

გამრავლდი ერო

სამშობიაროდან გვირეკავენ: „წუხელის ბიჭი დაბადებულა, დაურქმევიათ თურმე დავითი; წუხელის გოგოც დაბადებულა, დაურქმევიათ თურმე თამარი“.

ახალი წლის პოზიცია

ახალი წელი აუღერებს პოზიტიურ პოზიციას, რომ პოზიციაც და ოპოზიციაც ერთ პოზიციაზე დაფიქრდნენ.

შუქნიშანთან

შუქნიშანზე მწვანე ანთია. მძლოლი არ ძრავს ავტომობილს, წითელზე მდგომს ანიშნებს გაიაროს (სტრიქონის გახსენება: „გმირი იმერი ზრდილობით!..“)

მეზობელ კარისათ

დილით ადრე მეზობელი კარის მეზობელს შეუძახებს: გადმოიერთ წამას „შკაფი“ მაქ მისანევი გვერდზე...

წლის საუკეთესო სპორტსმენები:

1. გავაშელაშვილი ზურაბი—ქართული ჭიდაობა
2. კუპაშვილი სანდრო—ბ / რ ჭიდაობა
3. ფანჩულიძე მაია—თავისუფალი ჭიდაობა
4. სულამანიძე საბა—ძიუდო
5. ბოჭორიშვილი ზურაბი—სამბო
6. ნივნივაძე ნინო—ჭადრაკი (წლის საუკეთესო სპორტსმენი)
7. ჩიტიძე ლიზი, სირბილაძე თამარი, მარუაშვილი ბარბარე—გოგონათა სამეული აკრობატიკა
8. გოცაძე ზურა—ფეხბურთი
9. რობაქიძე დათო—კარატე
10. ჭანტურიძე გიორგი—„უშუ“

გვერდის ავტორი
ნუგზარ გამყრელიძე



ახალი წლის ხიბლი

ყოველი ახალი წელი უფლისგან ჩვენთვის ნაჩუქარი სიცოცხლის ყულაბიდან ერთ წელს გვაკლებს! სევდისმომგვრელია ეს, რა თქმა უნდა...

ამ დღეს ყოველი ჩვენგანი ვცდილობთ ბედნიერი ვიყოთ ან თუნდაც ვითამაშოთ ბედნიერის როლი.

ამ დღეს უხასიათობის უფლება არავის აქვს.

ამ დღეს გვტოვებენ ავი ზრახვანი და მხოლოდ კარგზე ვფიქრობთ.

ამ დღეს გარესამყარო უფრო ლამაზად გვიჩანს, ვიდრე ეს არის.

ამ დღეს არის მხოლოდ „დობინდული ქლიავის ფერი“ სამშობლოს მთები.

ამ დღეს უყვართ.

ამ დღეს არის თოვლი იისფერი.

ამ დღეს უფრო მძაფრად იგრძნობა სამშობლოს სუნთქვა.

ამ დღეს რიგდება და უღიმიან ერთმანეთს შემდღურებულები.

ამ დღეს უფრო მეტად გვიხარია ერთმანეთი.

ეს არის ახალი წლის ხიბლი.

ახალ წელს სიკეთე უნდა დავიკვებოთ.

ახალ წელს ხმაგულა უნდა ვიცინოთ.

ახალ წელს ერთვლება უნდა შევფიცოთ სამშობლოს და კეთილი ჩავინერგოთ გულში.

ახალ წელი, შენი გამარჯვებისა იყოს!

როცა ქვეყნად სიკეთე დაივანებს—ცხოვრება უფრო საინტერესო გახდება, სიყვარული კარს გაგვიღებს, სიყვარულზე უკეთესი კი რაღაა ამ ქვეყანაზე?

ნუგზარ ბამყარელიძე

ჩემი თოვლის ბაბუები...

5 წელია ვებრძვი სიმსივნეს. უკვე გაკეთებული მაქვს ქიმიოთერაპიის 35 კურსი და თან ისეთ ნაშლებს ვღებულობ სახელმწიფო პროგრამა არ აფინანსებს.

მინდა მოგილოცოთ 2020 წელი. ხვავიანი, ბარაქიანი, ფეხბედნიერი წელი ყოფილიყოს თქვენი ოჯახებისათვის და თითოეული თერჯოლისათვის.

მოდი, ჩემთან, კიდევ, ბევრი წელი... და ერთსა გთხოვ, რომ ღრმად დამაბერო...

რიტა გუცხერიძე

გულწრფელი მადლობები და საუკეთესო საახალწლო სურვილები თერჯოლელ მედიკოსებს!

მაქსიმალური კომფორტია, რასაც კი მშობიარე შეძლებს ინატროს, სწორედ ამიტომ დიდი სურვილი მქონდა „თერჯოლამედში“ მშობიარობის, თუმცა, ვერ მოეწონა განყოფილების გახსნა ჩემი პატარის დაბადებამდე.

ლალი არაბიძე

როდესაც შევიტყვე რომ ბავშვს ველოდებოდი, ორმაგად გამიხარდა, რადგან სწორედ იმ პერიოდში საუბარი იყო კლინიკა „თერჯოლამედში“ სამშობიარო განყოფილების გახსნის შესახებ.

ნიკო დალაძიშვილი

2020 წლის ჰოროსკოპი



თუკი ვინმე ამბობს რომ არ აინტერესებს რა ელის მომავალში, მწარედ იტყუება! ყველანი ცნობისმოყვარეები ვართ, მითუმეტეს, როცა საქმე ჩვენს ცხოვრებას ეხება.

ცნობისმოყვარენო და არაცნობისმოყვარენო!

ყველას, ვისაც გაინტერესებთ 2020 წლის ცხელ ცხელ ჰოროსკოპს გთავაზობთ:



ვერდი (21.03 - 20.04) ახალი მწვერვალების დაპყრობის დროა!

გასულ წელს ბევრი იშრომე და ინვალი, ამისათვის ყოჩაღ! შეიძლება ფიქრობ, რომ მნიშვნელოვანი არაფერი გავიკეთებია, მაგრამ არ იდარდო, მომავალი შენია!



კურო (21.04 - 20.05) ოცნებების ასრულების დროა!

კურო თავიდან ფეხებამდე რეალისტია. ალბათ ამიტომაცაა, რომ დიდად მეოცნებე არაა და არც ფანტაზირობს ბევრს.



ამ წელს გელის კარიერული და ფინანსური წინსვლა. თუკი, რაიმე საინტერესო შემოთავაზებები გექნება უარი არ თქვა! რადგან ეს ზუსტად ის პერიოდია, როცა უნდა გარისკო!

ტყუპები (22.05 - 21.96) დატკბი ცხოვრებით!

ზოგადად ტყუპები ძალიან პოზიტიური ზოლიაქოს ნიშანია, ვირთხა კი უფრო თავშეკავებულია.



განსაკუთრებული არ ელოდებათ. შეეცადე დატკბე ცხოვრებით და არ დაკარგო ის პოზიტივი, რაც ბუნებრივად გაქვს.

კირჩხიბი (22.06 - 22.07) დაიბრუნე ყველაფერი, რაც შენთვის ძვირფასია!

კირჩხიბს ამ წელს საშუალება ექნება დაუბრუნდეს მიტოვებულ საქმეებს და დაიბრუნოს ის, რაც წინა წლებში დაკარგა.



მაგალითად: აღადგინე დასრულებული ურთიერთობები, გააგრძელე ნამოწყებული და შუა გზაზე მიტოვებული საქმეები და ა.შ.

ლომი (23.07 - 22.08) ნუ ჩამოყრი ყურებს!

ლომებისთვის 2020 წელი მარტივი არ იქნება. მოგინევს მაქსიმალურად მობილიზდე და დაიწყე საკუთარი თავის განვითარება.



ქალწული (23.08 - 22.09) ოჯახური ბედნიერების დროა!

ქალწულებისთვის არაჩვეულებრივი პერიოდია პირადი ურთიერთობების დასაღაცებლად.



ადამიანთან უთანხმოებები მოგდიოდა, წელს ყველაფერი დალაგდება. თუ საყვარელი ადამიანი არ გყავს, 2020-ში გეყოლება, ხოლო თუ გყავს - დაოჯახდებით, თუკი დაოჯახებული ხარ დროა მატებაზე იფიქრო.

სასწორი (23.09 - 23.10) პარმონიის დროა!

წინა წლებში სასწორების ცხოვრება სრულ რუტინად იქცა. სახლი-სამსახური, სამსახური-სახლი... არავითარი რომანტიკა!



მოვნი (24.10 - 22.11) საცხოვრებლის შეცვლის დროა!

ცხოვრების ინტერესი დაკარგე? სამსახური უკვე მოსაბერებელია? გარშემო ყველა გაღიზიანებს? 2020 წელი ამ ყველაფერის შეცვლისათვის არაჩვეულებრივი პერიოდია.



მორიელი (23.11 - 21.12) საბედისწერო შესვედრის დროა!

მანამ, სანამ სხვები ისვენებენ, მშვილდოსნები ცხოვრებით ტკბებიან, თუმცა მათ ცხოვრებას ერთი მნიშვნელოვანი დეტალი აკლია.

2020-ში შენ ამ დეტალს აუცილებლად შეხვდები. დაიხ! ეს იქნება საბედისწერო შეხვედრა, რომელიც მთელს შენს ცხოვრებას ამოაყრავებს (სასიამოვნოდ). შეიძლება საცხოვრებელი ადგილის შეცვლაც კი მოგინიოს, ან ცხოვრების სტილის. მოკლედ რომ ვთქვათ საკმაოდ დინამიკური წელი გელის.

თხის რქა (22.12 - 20.01) საკუთარ თავზე ფიქრის დროა!

ძალიან ბევრი დრო დახარჯე სხვებზე ფიქრსა და დარდში.

იმეხე თუ როგორ არიან სხვები, რამე ხომ არ სჭირდებათ, რითი შეგიძლია დაეხმარო და საერთოდაც, როგორ გადაყვე თავზე.

ახლა კი დროა შენს თავსაც მიხედო. წელს მოგინევს მხოლოდ საკუთარ თავზე იფიქრო. აიხინო ოცნებები, იმოგზაურო, აკეთო ის, რაც შენ გიყვარს, იყო მასთან, ვინც შენ გიყვარს. მოკლედ, შენ, შენ და შენ! ეს არის 2020 წლის საზრუნავი.

მერწყული (21.01 - 19.02) მოახდინე კონცენტრაცია ყველაზე მნიშვნელოვანზე!

მერწყულებს რთული და დაძაბული წელი ელით. არ იღუღო, ეს არ გამოირიცხავს საინტერესო სიახლეებსა და ამბებს.

წელი იმ მიზნებს მიღწევ, რაზეც უკვე მრავალი წელია მუშაობდი. საკმაოდ კარგი პერიოდი გელის, მთავარია მოახდინო კონცენტრაცია ყველაზე მთავარზე და არ მიედმოედო ყველაფერს ერთდროულად.

თევზები (20.02 - 20.03) მეტი პოზიტივი თავებო!

როგორც არ უნდა იყოს 2020 წელი, შენთვის მოსაწყენი ნამდვილად არ იქნება.

ვირთხა დაგეხმარება პოტენციალის განვითარებაში. აღმოაჩენ და წამოიწყე ახალ ან ძველ მიზნებს მიმართულ საქმიანობას. წელს ასევე ისწავლი, როგორ გაუმკლავდე პრობლემებს და ყველაფერში ნათელი მხარე დაინახო!



შპს „თერჯოლა“ - გამომცემელი მთავარი რედაქტორი ვალერიან გობიაშვილი დავით კლიაშვილი 599 92 49 75 599 91 24 14 სარედაქციო კოლეგია რეგისტრაციის №53/5/ზ-22 გამოდის თვეში ორჯერ კორესპოდენტები: ნ. გამყარელიძე-555 78 08 55 ი. მარუაშვილი-0(491) 22 15 16 შ. ცხადაძე-558 90 82 55 მ. ცქიფურიშვილი-555 28 11 41 ელ-ფოსტა: gazetiterjola@mail.ru აიწყო და დაკაბადონდა რედაქციის კომპიუტერულ ცენტრში მისამართი: თერჯოლა, კოსტავას ქუჩა №2 დაიბეჭდა ქუთაისის შპს „სომლი ენ“-ის სტამბაში ქუთაისი, ჭავჭავაძის გამზ. №33 ჩვენი რეკვიზიტები: „ლიბერთი ბანკი“ LBRTGE22, ანგარიში GE32LBO113133960124000 ს/კ 231948872